

〔咸淳〕

臨安志

六

咸淳臨安志卷之十二

行在所錄



貢院

禮部貢院

在觀橋西 中興初 詔諸郡貢士類試於各路

轉運所在州 紹興五年六月十五日始集于大

宗伯其貢院建置歲月未有所考十年始定取士

年分 詔略曰永惟三歲興賢之制肇自 治平

爰暨 累朝遵用彝典頃緣多事游歷試期致取

士之年屬當 宗祀宜從革正用復故常可 紹

興十年諸州依條發解將省殿試展一年向後科

場自十二年省試為準 按繫年錄 紹興九年十

國朝三歲一舉士率用今年大禮明年科場又明

年省試誠經遠之計今年當試進士復與大禮

相妨及是遂用其請令是年貢士就十二年省殿

試至十四年諸州發解如故三年一下 詔自是

遂為定制○此詔雖不獨繫 行在所所以

其為 駐蹕後三年取士之始故載于此

廳之兩廂列進士題名

所載皆目今 石刻存者

堂上列 御札 御製石刻

省試 賜知貢舉 御札 知貢舉各有 恭跋不具錄

朕既羣天下之秀彥試于春官期得器識偉

厚議論正平之士副異時公卿大夫選屬嬰

哀疲不能 親策于廷唯賴卿輩協意悉心
精加衡鑑網羅實才毋使浮夸輕躁者冒吾
名器 朕則汝嘉

右 慶元二年付葉翥已下

省試降 御
札自此始是

年未 臨軒故加
戒飭後遂以為常

朕永惟治要作新人才今羅天下士試之禮
闡又將拔其尤異 親策于庭待遇顧弗至
歟而習尚未淑論議多渝安固陋者莫追於
古風寧浮靡者寧資於時用豈 朕求才之
意卿輩典司文衡其既乃心公乃聽審於搜
採俾得為文爾雅持論從厚之士極一時選
厥功茂矣

右 慶元五年付黃由已下

朕惟古鄉舉里選之法弊而後世始設科目
延致英彥靡之以好爵共興治功 朕踐祚
以來再取士矣今雖孳然在疚復遴選侍從
臺省之臣典司文枋士有抱負彪為詞采必
刊去浮華體要為尚基異時之實用傳不云
乎言心聲也儻或外是抑曷取焉卿輩其求
所以得人而稱 朕意者則惟汝嘉

右 嘉泰二年付木待問已下

更化之始屬當多士來試春官去取之間趨嚮所繫卿等宜審加攷閱擇其文體醇正議論精確者實于前列其或因問獻言實有可用雖涉訐直勿以為諱庸副招延俊乂共起治功之意 朕將親策于 廷而官使之

右 嘉定元年付樓鑰已下

國家三歲取士試于南宮蓋公卿大夫由此其選事至重也 朕屬在哀疚未遑親策爰

咨近列往司衡鑑卿等宜協心盡慮精加考

擇夫文辭浮靡者必非偉厚之器議論詭激者必無正平之用去取之際其務審此至若場屋私弊售偽亂真成法具有所當申飭毋使僥倖者濫進而忠樸者見遺庶幾今日設科求賢之意獲收異時分職為民之實

右 寶慶二年付程秘已下

朕側席英俊共成治功 大廷策士始于今歲既合郡國之貢試之禮闈將拔其尤以進俾奉 對而官使之選擇去取之端可不謹歟夫取士之道器識為先明試以言自古不

廢況 祖 宗以科目得人類多忠實重厚之士皆因其文以占之卿等典司文衡其精乃鑒裁毋尚浮靡毋棄樸直毋拘已見毋徇時習務柬實材以副 朕意

右 紹定二年付王暨已下

朕即政以來試士南宮者三矣中間 親策于庭見謂得士今四方之彥三學之雋雲烝霧集成欲各售所學以希官使則夫精鑒裁示趨嚮俾知科舉取人不但爲爵祿之階而實爲 國家之計先器識後詞藻務忠實斥浮僞豈非取士之權衡得人之徑術乎卿等固所深知更希加勉以副 眷倚

右 紹定五年付陳貴誼已下

國家得士之盛昉於貢舉法未始易也而乏才於今意論選之地職攷察者寔失其指歟朕方躬親政理寤寐英俊妙柬儒碩董司文衡將以新美天下之士其崇雅黜浮參觀器識理致必溯其淵源毋惑於傳會詞章必主於渾厚毋喜其綴緝絕私臆合衆見庶幾實才罔致遺軼使豐水有芑復還 先朝之舊

則惟爾嘉其殫厥心以副朕意

右 端平二年付真德秀已下

朕虛心籲俊共圖治功五 詔攸司加意貢
舉方時多故中外乏材遴柬鴻碩典司文柄
其公選精擇先器識而後詞采經術惟純正
是尚詞章惟典麗是崇議論貴於可行籌策
期於有用無取綴緝無徇阿諛庶得忠實英
特之材副朕側席之意

右 嘉熙二年付游侶已下

朕以眇躬纂紹 鴻業屬時多故深懼無以

咸淳臨安元卷十二

五

尤明

拯危難致安強故悉取內外修攘之事疇咨
多士冀陳忠益裨補闕遺其有識治憂時敢
言無隱者乃朕所欲急聞卿等宜加精選
寘之前列使真材得以自見士氣可伸以副
朕親策之意

右 嘉熙二年付 殿試詳定官趙與權
等

朕惟我朝取唐諸科併歸進士名卿碩輔
皆繇此途其選重矣肆朕纂承六開貢舉
訓飭期望每單厥心比年人情習玩法制寢

弛或徇勢利以妨寒畯或縱欺倖以遺真才
將何以致棫樸官人之盛爰簡儒彥俾典文
衡凡爾攸司宜鑒舊弊一取一舍惟公惟明
經學欲其深醇詞章欲其典則言惟合理策
必濟時母以穿鑿綴緝為能母以浮薄險怪
為尚參稽互考優劣自分庶使賢雋畢登以
副 朕新美治功之意

右 淳祐元年付杜範已下

進士設科 我朝得人為盛濟艱難致隆平
皆此途出比年中外多事每有乏才之嘆豈

有司衡鑑浸不如昔歟 朕妙簡儒英俾司
文柄冀得髦俊以亮天功學術必究其淵源
毋以涉獵為能詞章必主於典實母以浮靡
為尚母滋蹈襲母取雷同昔人典章多能以
程文占器識卿等其精意考拔以副 朕側
席之意

右 淳祐四年付金淵已下

朕惟 祖 宗盛時名公卿相望厥亦惟科
目是進肆 朕臨御七選士于南宮矣法壹
是而得人歎焉豈世果乏材抑有司奉吾

不勤也矧今政瑟旣更賢路加闢爰命爾公
于文衡其精鑒裁示趨向因文藝以觀器識
崇雅正而黜浮誕俾 國家得士之用必如
穀粟之足以養人則 予一人汝嘉

右 淳祐七年付吳潛已下

朕惟治古敷納以言用熙庶績漢唐設科取
士類多得人而 本朝為盛議論根乎六經
職業粹于羣下釀化懿綱賴有與立比年士
習風靡文氣日醜豈世道所趨而然將選舉
有未至也卿等老於文學秉司衡鑑以賦而
得仲淹以論而拔蘇軾顧不偉歟貢舉成法
最為嚴重宜加申做以取實才

右 淳祐十年付董槐已下

朕臨御以來十 詔貢興公卿大夫繇此塗
出比年經術不窮指趣而惟牽合對偶詞章
不本淵源而務雕琢刻削論策則非出骨髓
而多用帖括斯文關世道消長顧念未有以
作新之者卿等方提文衡各宜以對越為心
以選擇真才為務去取之際崇雅黜浮使士
習由此不變焉昔 仁宗嘉祐初命歐陽脩

知貢舉時進士文體大壞脩乃悉取詞義近古者而險恠相高者盡黜之文章自是變而復古卿等其勉之

右 寶祐元年付陸德輿已下

朕取士於南宮十 詔攸司而又有一於今矣然時艱未濟豈果乏材往往辯論多而建明少浮偽勝而真實希尚何望其庶績之凝也爰東儒臣董司校藝爾其公而權衡明而鑒裁詞章造理者必有道之士議論可行者必適用之才辨雌霓之訛去師衆之鑿革崑體之異使英豪忠實之彥得以自見而無競維人則 予以懌

右 寶祐四年付陳顯伯已下

朕惟四方無競維人得真儒則天下無敵

本朝以文取士我武維揚能使西賊膽寒者實自科舉出也今賓興之 詔凡幾而命之以官者又不知其幾矣然往往臨事之使豈搜羅之未至歟抑鑒裁之未精歟抑亦去取之不公歟爰東儒魁董司文柄議論端確必忠於體圖智略雄偉者必善於籌邊識明

氣直者必負尊主庇民之學爾其決擇於是
使經術詞章卓乎漢唐之上而得賢立太平
之基庶幾 開寶 慶曆之盛觀

右 開慶元年付張鎮已下

朕試天下士于春官凡十有三 詔矣名公
卿項背相望胥此塗出 朕又表章儒先崇
尚理學以薰陶之涵養培植之久莫非夙夜
彊學以待問懷忠信以待舉力行以待取者
比既謹簡名流執斯文之柄亦號極一時之
選如世之所病勦句斷章以命題牽合破碎
以害理與夫言理不切乎事論事不根於理
皆必無之然不患有司之不明但患有司之
不公明白公出公之至則明所從生苟至於
公則真才實學當如燭照數計毫髮莫能遁
言刈其楚庸至于成斯為不負 朕作人之
意審爾則命陸贄而可得韓愈命歐陽脩而
可致鞏軾則 予一人汝嘉

右 景定三年付楊棟已下

國家試士于南宮名公鉅卿胥此途出矧自
先皇帝表章儒先崇尚正學涵養薰陶之日

久矣濟濟多士皆先朝培植以遺我後
人者也顧予在疚未皇進之大庭而
親策之爰東儒彥俾司文衡載循申飭之舊
章敢忘勉厲之至意惟平乃心惟竭乃力取
士必公則可革場屋之私弊撫材以實則毋
徇詞藝之空文理趣必深長毋使浮靡獲售
正氣必昌達毋使忠讜見遺登崇俊良新美
初政予以續先朝敷遺之仁則予汝嘉
右咸淳元年付馬廷鸞已下

國家右賢興治若古敷猷其取士存乎法所
以取之存乎人焉比年以來法弊滋章舉場
尤甚今朕將親策之始詳延四方之雋永惟
我朝莫盛仁祖春官辨等並臻廉茂若時
申飭深戒詭譎浮夸雕鐫靡曼之習用復溫
純雅正務明先聖之道洋洋聖謨亦惟
當時羣有司罔不欽承懋乃蒐擇以成得人
之盛肆朕謹柬儒彥職我選事庶幾乎
仁祖之風烈夫士有所抱負多爲虛僞者掩
之往往挾其外假能誤衡文者是必題目勿
拘於字句去取兼求於論策索諸理以觀其

學求諸氣以況其識毋浮靡毋穿鑿毋雷同
尚黜乃私心厲而精鑒烝我髦士進之
大廷真才實能式副甄擢蓋天之所以遺
朕無窮之用者在此咸體
朕意匪曰具文

右 咸淳四年付雷宜中已下

我朝取士之途惟進士一科得賓興遺意事
莫重焉出為世用者臺萊杞李之材相望也
近年士風盛而古意衰習競浮華辭昧體要
真才不足以勝謏聞雷同反得以蔽穎出

朕甚非之嘗於秋賦澄其源且令覆引汰其

大正上

咸淳四年卷一三

一

九

謬能者信矣比復豫戒春闈以論策定去取
經賦第高下此則蘇軾所謂以文章言論策
為有用意也茲柬儒彥參典文衡其既乃心
其詳乃視毋苟且毋偏執所置先後惟其當
不必以不自己出為嫌為
國得人益綿豐
芑之澤則
予一人以懌
右 咸淳七年付方逢辰已下

聞喜宴 賜進士詩

振鷺飛翔集鳳庭 詔開 聞喜宴群英已
看射藝資能事更覺人材在作成冀野乍空

千里雋桂林爭占一枝榮他年共慶功名遂
莫負夔龍致主聲

右 淳熙二年 賜詹駉已下

中興賜進士詩始此

臨軒策士豈徒然嗣守丕基務得賢爾吐忠
言摠素蘊吾縻好爵副詳延愛君憂國毋
終怠厚澤深仁賴廣宣錫宴瓊林修故事
朕心期待見詩篇

右 紹熙元年 賜余復已下

三歲賓興舉舊章群儒濟濟競觀光廣求治
道惟兼聽樂告嘉言已對揚力學見聞雖博
洽處身操履貴端方益堅忠節承休德共贊
熙朝庶事康

右 紹熙四年 賜陳亮已下

嗣復丕圖治孰先集英清曉盛臚傳謀詢
闕政心猶渴喜聽忠規席欲前得路驕驩俱
迅逸摩空鸞鵠共聯翩從今恪佩官箴去志
節毋令愧昔賢

右 慶元五年 賜曾從龍已下

側席求賢本至誠群才濟濟盛簪纓昕庭
初奏三千牘雲路俄開九萬程勵爾忠規先

氣節助 予仁政必廉平一縻好爵須圖報
莫負而今選擇精

右 開禧元年 賜毛自知已下

祖 宗鴻業付冲人履薄臨深媿眇身不以
崇高矜 主勢要將功用責儒臣憂民常軫
焦勞念 策士訢聞剴切陳好爲 明時摠
素蘊始終一節效忠純

右 嘉定四年 賜趙建大已下

圖回庶政敢違安樂與豪英講治原 親策
匪徒循故事虛懷亟欲聽忠言已來多士朋
龜助聊示嘉賓燕鹿恩好爵爾靡 吾不靳
所期直節始終存

右 嘉定七年 賜袁甫已下

涼德常思闕失聞 宵衣二紀屢 臨軒聖
經廣大期精究治道恢張許共論振鷺充庭
欣盛事嘉魚式燕示 明恩 朝家端欲收
儒效不但虛懷樂謹言

右 嘉定十年 賜吳潛已下

宵旰圖回久厲精 臨軒七 詔策群英聖
賢言論期商推內外規模賴講明汕汕嘉魚

均樂事呦呦鳴鹿倚新聲高官厚祿 吾無
靳共輔邦家致太平

右 嘉定十三年 賜劉渭已下

百王賓貢屬賢能事與天通詎敢輕 親錫
第名來謹直載頒 嘉宴示 恩榮風雲已
借飛騰便梁棟猶須長養成人物盛多關世
道尚堅學力究生平

右 嘉定十六年 賜蔣重珍已下

沖眇 臨軒策士初力行古道顧何如欲知
明德脩身法不越中庸大學書荅問八條嘉
聞繹輸忠一念見勤渠茲辰 宴衍昭 恩
意請事徽言共佐余

右 紹定二年 賜黃朴已下

策士 明廷急謹言眇 予涼菲再 臨軒
灼知治法繇經史嘉與群英究本原名第一
時傳盛事 需筵肆秩示 隆恩公卿任使
從茲選要看他年氣節存

右 紹定五年 賜徐元杰已下

三御 昕朝策俊民況今 親政倍留神每
嗟汚俗熏濡舊要仗諸賢洒濯新勿把詞華

媒利祿須將位育入經綸今辰 燕衍毋多
贈二字忠清可立身

右 端平二年 賜吳叔告已下

漢文創意策群賢正在 臨朝十五年自愧
眇冲勤慨慕故嘉忠謹樂詳延詞章已足觀
英氣事業當無負 奏篇 明主良臣千載
事緬思景行共齊肩

右 嘉熙二年 賜周坦已下

涼菲膺圖屢改元賓興六 詔五 臨軒厲
精思振清明政策秀欣求謹直言致 主莫
如仁與義立身休計飽和温時艱全藉賢經
濟勉力應無負選掄

右 淳祐元年 賜徐儼夫已下

七開貢舉六 臨軒圖濟時艱取直言訪問
修攘兼內外敷陳議論有淵源學惟正大為
標準志在忠清是本根 錫宴 賜詩隆禮
意勉旃事業報 君恩

右 淳祐四年 賜留夢炎已下

我朝家法盛崇儒長養搜揚禮特殊匠圃棟
梁收巨用涇舟維楫賴丞徒俊髦喜見盈庭

集忠鯁仍觀極意敷勉力各堅金石節再令復俗致唐虞

右 淳祐七年 賜張淵微已下

肆予 臨御九賓興藹藹盈庭俊乂升嘉賴
讜言條八事欲乘 景運進三登據忠社稷
惟名節濟用 邦家必器能豐芑涵濡盛今
日勉思 德意共欽承

右 淳祐十年 賜方逢辰已下

粵從 御寓九 臨軒嘉與英髦講治原問

舉八條觀素蘊對披群策樂忠言事功匪在

虛文勝名節須兼實用存精白一心期砥礪
豈惟 宴衍示 榮恩

右 寶祐元年 賜姚勉已下

道以於心化未成樂聞爾士對延英誠惟不
息其明著治豈多言在力行華國以文由造
理事 君務實勿沽名得賢功用真無敵能
為 皇家立太平

右 寶祐四年 賜文天祥已下

體天法 祖肇新元喜聽群英進讜言欲治
欲齊心必正惟精惟一道常存得人信可安

功業疆國宜先護本根 燕衍式頒期遠到
好摠素蘊整乾坤

右 開慶元年 賜周震炎已下

宴開 聞喜萃儒冠 朝野清平共解顏
禮樂三千言中節聲詩十二律循環邦基允賴
英賢力人極長扶天地間久遠功名方發軔
相期精白古風還

右 景定三年 賜方山京已下

通駿 先猷在急賢廣庭親策昉今年精微
歷歷參前聖忠讜洋洋著大篇 天聖得人
占上瑞 太平宴士秩初筵緬懷豐芑無窮
澤久遠功名尚勉旃

右 咸淳四年 賜陳文龍已下

臨軒再策匪虛文 要語詒謀敢弗遵
昭假天心惟至敬封培邦本在深仁
詳延喜見洋 洋對來譽知爲蹇蹇
臣始進便當思遠到會 須華國有儒珍

右 咸淳七年 賜張鎮孫已下

別試所

在大理寺之西舊在貢院右專以待貢士之避親

嫌者厥後繇監漕選皆試于此湫隘不足以容

淳祐十二年有旨令臨安府別創廼斤軍器所

萬全指揮營空地為之其元址併入貢院

太史局

在吳山

神御殿

昊天上帝

皇地祇

太祖皇帝

太宗皇帝

高宗皇帝

寧宗皇帝

理宗皇帝神位皆

御書各有龕帳又有從祀

諸神位遇祭祀則遣官迎奉禮畢復其所有主

管官一員以太史充

有先朝所造渾儀一座附藏殿內

測驗渾儀所

臺上有渾儀下有土圭長一丈五尺表長八尺

並淮堂有刻漏惟土圭以石為之餘皆銅景

定中創

太醫局

在通江橋北創始於 紹興二十六年至 紹定間
重建殿曰神應奉醫師神應王以岐伯善濟公配
講堂曰正紀皆

理宗皇帝御書扁判局一教授四生員二百五十
冠帶出入月書季攷大略視學校齋舍八曰守一
全冲精微立本慈幼致用深明稽疾提舉官一以
內侍充

堂後官院

六房院

在三橋西

五房院

在洪橋西 國朝舊制三省有六房院樞密院有
五房院主事以下集居其中所以絕請謁防洩漏
紹興十五年二月 詔臨安府兩浙運司依在京
例修蓋兩院

咸淳臨安志卷之十二

咸淳臨安志卷之十三

行在所錄

宮觀

太乙宮

在新莊橋南始於太平興國初即京都祠五

福太一駐蹕以來歲祀於惠照僧舍言者以為

朱稱請即行宮北隅擇爽塏地建祠詔禮寺

詩論權宜設位塑十神像按十神者曰五福君其

大游小游天一地一四神臣棊民棊直符凡行五

宮四十五年一移所臨之地歲稔無兵役紹興

咸淳臨安志卷之十三

十七年遂命兩浙轉運司度地建宮十八年三

月成凡一百七十四區殿門曰崇真大殿曰靈休

挾殿曰瓊章寶室

皇帝奉命殿曰介福三清殿曰金闕寥陽

齋殿曰齋明又用禮部侍郎沈諒言國家乘大

德王天下宜即道宮別立殿專奉火德配以闕伯

祀以真至遂又建殿曰明離扁皆

高宗皇帝御書兩廡繪三王五帝曰星嶽瀆九宮

貴神等與從祀一百九十有五大略如太平興

國舊制每祀用四立日設籩豆簠簋尊壘如上帝



禮兩廡以次降殺 車駕嘗親謁焉

孝宗皇帝建 本命殿曰崇禧 乾道間以旱

親禱即日雨 淳熙四年重建道藏成

御書瓊章寶藏以賜十三年又

御書鐘樓曰瓊音之樓

光宗皇帝改介福殿 為崇福

寧宗皇帝嘉定二年五福太乙自遼東來大靈越

遂以冬至日迎奉從太史局之 奏之又奏若將其五福不

脩德政則及為兵災

理宗皇帝建 長生殿以奉南極

咸淳臨安志卷十三

二

今上皇帝建通真殿以奉佑聖 申祐殿以奉

元命 順福殿以奉

皇太后元命而易長生之名曰 延壽四殿皆

御書

臻福觀

孝宗皇帝嚴事北斗 乾道八年建殿以舊齋

殿為之 淳熙三年更建觀令附太乙宮名觀

與殿皆曰御璣名咸淳三年改觀曰臻福殿曰

北辰皆 錫以

御扁

宗真館

在宮之南正堂丈室皆

寧宗皇帝御書扁齋入曰觀妙潛心泰定集虛

顯真集真洞微虛白

武林亭

在宮之後有小坡亭其上舊扁曰武林

理宗皇帝御書二字以

賜詳見虎林山

西太乙宮

在孤山淳祐十二年太史局奏太乙臨梁益

請用天聖故事建西太乙宮有

虎林山志卷十三

三

旨從之

考國朝會要天聖六年三月司曆者言五福太乙自雍熙元年甲申入

吳郡之吳宮曰黃室宮太宗用楚芝蘭術建宮于國城東南館御靈真以集景貺及今四十年于國城西南別建新宮以順方嚮于是詔擇八角鎮地建西太乙宮乃析延祥觀地為宮即

涼堂建殿曰黃庭之殿其外為景福之門東有

延祥之觀以備臨幸其外為福祥之門皆

理宗皇帝御書凡宮之事視東太乙咸淳

年即德輝堂為殿奉

今上皇帝元命明應堂奉

壽和聖福皇太后元命

陳朝檜

舊有堂蘇軾嘗為僧志詮作詩以記今有小亭

孝宗皇帝御書軾詩刻石亭上道人手種幾生

宛然雙幹一先神物化九朝三見太平年忽驚
華譚依岩出乞與佳名到處傳此栢未枯君記

取灰心耶
伴小乘禪

瑪瑙坡

地有瑪瑙石

迎真之館

理宗皇帝御書扁有齋二曰通真養素

萬壽觀

威澤臨安志卷十三

四一

在新莊橋西 紹興十七年建以奉

皇帝元命殿東鄉挹生氣也為三室

昊天曰太霄殿王像

聖祖曰賢慶殿金像

長生帝曰長生殿神位西則

皇帝元命殿曰純福後殿十有二楹為二十二室

太祖曰 會聖宮曰 章武殿由

太宗皇帝而右凡六廟皆一宮曰 會聖由

徽宗皇帝而右凡七廟皆二宮曰 會聖曰 應

天御舊名運塑像皆以存舊京遺制前殿之東又有

真宗皇帝室曰 延聖 章惠皇后曰 廣爰
溫成皇后曰 寧華每四孟 朝獻畢 車駕由
御圃詣 諸殿行燒香禮 景定二年改道院齋
閣以奉

壽和聖福皇太后元命

晨華觀

在觀之東

佑聖觀

在興禮坊內

孝宗皇帝舊邸 紹興十六年以 普安就外第

時建明年誕生

光宗皇帝 乾道四年

寧宗皇帝又開 甲觀之祥時為恭邸 淳熙三年

詔改為道宮以奉真武 紹定間重建門曰 佑

聖之觀殿曰佑聖之殿藏殿在西廡曰瓊章寶殿

皆 理宗皇帝御書嘗 御製真武贊曰於赫真

武御舊名 聖均陽克相 炎宋寵綏四方 累朝欽

奉顯號徽章其佑 我宗社萬億無疆及

御書黃庭經以 賜皆刻之石後殿奉

今上皇帝元命西為

孝宗皇帝神御殿即明遠樓舊址也

孝宗少年時嘗題杜甫詩句於壁云富貴必從勤

苦得男兒須讀五車書併刻置殿上

理宗皇帝又書全篇銀於東官廳之屏

碧山學士焚銀魚白

馬卻走深岩居古人已用三冬足年少今開萬卷餘晴雲漏戶圍傾蓋秋水浮堦油決渠富貴必從

勤苦得男兒須讀五車書

延真觀

在觀之西有道紀堂虛白齋

開元宮

在泰和坊內

人履卷臨安志卷一三

六一

寧宗皇帝潛邸 皇明以火德王 東都有開元

陽德觀以奉熒惑 嘉泰元年四月 詔以嘉邸

府改充開元宮儀制皆賾佑聖觀殿曰明離祀以

立夏四年又 詔臨安府即殿之右別建闕伯宣

明殿王

以臣僚言闕伯已封王爵不當抑為真官侍立呈像之側

紹定間更

割先是大宗正司分其地之半遂徙宗司他所悉

以其址為宮 端平初增剏

寧宗皇帝神御殿又有殿曰璣以奉北斗曰衍

慶以奉真武扁皆

理宗皇帝御書 咸淳三年剏 順德之殿奉

壽和聖福皇太后元命 申祐之殿奉

今上皇帝元命而易北斗殿之扁曰北辰之殿皆

熙明殿奎畫

陽德館

在宮之北

理宗皇帝御書扁

龍翔宮

在後市街

理宗皇帝潛邸舊 魏惠憲王府改為 沂靖惠

王府 淳祐四年建道宮 賜名 龍翔以奉

咸淳縣志卷十三

感生帝大門曰 龍翔之宮中門曰 昭符之門

殿曰 正陽之殿仍下禮官討論祀典 淳祐六年

寺官奏竊攷周制祀昊天上帝大裘而冕祐五帝

亦如之先儒六天之說蓋昉于此又禮曰王者禘

其祖之而自出以其祖配之釋者謂先祈其所由

生謂郊祭天地王者先祖皆感太微五帝之精以

則言樞組白則白招矩黑則黑則叶光紀此五帝之神

名也皆用歲正月郊祭之蓋特尊焉此感生帝之

說所由起也謹按中興禮書紹興十八年十

一月禮推稷祖以配天故經曰郊祀后稷以配天鄭

康成以謂祀感生而以后稷配其一說若曰天之五

帝遷王四時王者之興必感其一以生故于夏正

之月祭所生帝于南郊而以祖配之周運木德而

感于靈威仰乃尊祖后稷以配蒼龍之精後世以

周祀感帝蒼籙延長子孫有則百之詠下世過三

十之期皆配天之効也我朝大德題運赤燁怒

寔為感生帝祖宗以來崇奉尤謹祥符
大觀或至親祠故猗蘭孕秀子孫衆多黃禹之
祚與天無極欲望明詔有司升為禋于是禮官
乞如所請遇上辛日祀感生帝並依國朝
舊制大祀禮例差三敵官等行禮備牲牢禮料用
十二籩豆設祭歌宮架樂舞爰誓戒于望祭齋宮
行事內牲牢依見今祀天地禮例用羊豕有
從之切惟聖朝火德開統世紀感生寔奉
赤帝其未已久見今正月上辛差官望祭已係大
祀之數所有儀像服色制度有靈休殿廡下蓋像
可遵今朝廷既別立間館專奉靈存若用道家
言之則有齋醮之法若領于祠官則當衣見于豐
例施行朝議以為龍翔宮崇奉感生帝既屬
羽流合用齋醮之法其正月上辛日望祭自如其
舊之旨

咸淳二年改為

宮門之左曰福慶殿以待車駕款謁

理宗皇帝神御殿即宮禁迎玉殿聖像奉安

咸淳臨安志卷十三

其中正陽之後為醮殿舊廢殿

南真館

在宮之西門曰南真之館中門曰啟晨之門正

殿曰三境儲祥以奉

三清後殿曰申寇以奉

今上皇帝元命又西曰順福殿以奉

壽和聖福皇太后元命又有奉南斗曰壽元之

殿十一懼曰景緯之殿鐘樓曰和應之樓經樓

曰凝真之章藏殿曰琅函寶藏小位次以備

車駕燕坐曰仙源羽士之室曰登虛提點官之

舍曰泉石自宮門而次今揭扁十有四皆
今上皇帝御書館有齋曰履和頤正全真

宗陽宮

在三聖廟橋東 紹興間望氣者以其地有鬱葱
之祥已而前後環建 王邸既紹開

兩朝復為

今上皇帝毓 聖之所天瑞地符益大章顯 咸

淳四年四月 詔築宮 賜名 宗陽門曰 宗

陽之宮曰開明之門中為無極妙道之殿以奉

三清東為 順福之殿以奉

壽和聖福皇太后元命三清之後為虛皇之殿直

北為門曰真應之門中為 毓瑞之殿以奉 感

生帝 咸淳七年二月芝生殿之右楹本宮圖以
進有 音草木之瑞莫如禾麥芝固瑞矣非

也 所尚 後為 申祐之殿以奉

今上皇帝元命又為通真之殿以奉佑聖自開明

以內左則玉籟之樓景緯之殿壽元之殿右則藥

簡之樓瓊章寶書北辰之殿規制大抵視 龍翔

宮常以 原饗回蹕行 款謁禮有 降輦殿曰

福臨之殿門曰 福臨殿門 進膳殿曰 端拱

後有軒曰勁霜松檜森立有 御圃為堂二曰志

敬曰清風植四時花果竹木亭二曰丹丘曰元圃
亭之北累石鑿池堂其上前曰垂福後曰清境凡
所揭華扁皆

聖上御書 知仁和縣臣郭應酉撰上梁文聖人

社垂恩事莫嚴于昭受若稽舊典爰作殊庭以綿

意萬年之基以隆九五位之福載惟肇建之

始則應天興聖首彰景運茲祖南渡以來

則佑聖開元益昌景運茲祖南渡以來

示帝王之正符恭惟皇帝陛下保合太和緝熙

純嘏皇極平康直正以為天下之王諸侯朝覲

謳歌咸曰吾君之子飛龍利見適駿有聲蒙潤

澤者必邈其源受庇蔭者必推其本宣平坊內宅

猶有于神光明遠樓前圃尚存于燕射此大明之

所自照而衆陽之所共宗地接重華鍾此有道

曾孫之慶天生上智見佑我烈考之心是用

申舊章以命有司建嘉名而昭丕應移材靈

圃斥費水衡作新宮千柱而人不知體元祐儉

慈之意祚洪圖萬葉而功不朽法祥符嚴潔

之誠赫穹昊之鑒臨儀群仙之環拱真人在御

成漢臨安志卷十三

周鼎之年

介真館

其歷益綿
太平松喬游于斯庭長上
安乾坤喜蒼石文母以介繁社錫後皇帝以登
來儀萬井年豐麟在野伏願上梁之後九韶樂奏鳳
景賦一念臺新創流虹繞電答休符甘雨和風酬
極萬里神州在望中車書混一干戈息上
郊壇敬始信離明一德參聖恩覃國陽自展
德壽天齊南風宣九譯益潛藩多王氣元和聖
西蜀道平夷太曰依忠益百世僊源毓震宮
瞳：萬齡耆壽朝慈殿
巍架伸茲善頌相彼歡謠于輿瞻爰歷重辰用興
上永凝於天尊之居列緯衣光俯紫微垣星之坐
仰來和天尊之居列緯衣光俯紫微垣星之坐
之誠赫穹昊之鑒臨儀群仙之環拱真人在御
慈之意祚洪圖萬葉而功不朽法祥符嚴潔
圃斥費水衡作新宮千柱而人不知體元祐儉

在宮之西門曰介真之館堂曰大範曰觀復曰
灌妙齋曰會真曰澄妙曰常靜亦皆揭以
藻

四聖延祥觀

在孤山舊名四聖堂四聖者道經云紫微北極大
帝之四將曰天蓬天猷翊聖真武先是

顯仁皇太后繪像事甚謹

高宗皇帝以康邸北使將行有見四金甲人執

弓劍以衛者紹興十四年慈寧殿斥費即今

地建觀凡古佛刹如寶勝報恩智果廣化之在此

威寧臨安志卷十三

十一

山者皆它徙十五年內出神像奉安新以二十

年詔復東都延祥舊名殿曰北極四聖之殿門

曰會真之門又三清殿曰金闕寥陽法堂曰通真

皇帝元命閣曰清寧皆

理宗皇帝御書藏殿曰瓊章寶殿

孝宗皇帝御書慶元四年起居郎張貴謨為觀

記靈應殿 聖記所紀 太宗建北極四聖觀于

京城則左右領二元帥若翊聖真武二真君是

也記中擬四聖護國福民事甚詳如藝祖建報

恩護聖閣 太宗立家堂元真殿 真宗以明化
為寧安宮 仁宗于內庭為神報祠皆以四聖之
威靈應驗如此伏自靖康之變歲在丁未 顯
仁太后北狩佩平日所繪四聖像以行至紹興
十有一年南歸因與常淵語及北方嘗夢見所

謂四聖者復止見二人問之云二
南朝二面衛 聖母曹勛被 徽宗密旨特
太后書達南京乞 太后密語一二以為信
王奉使時我與邢夫人相送小僮見大王後有
人帶甲執戈者四眾無所觀我獨悟事四聖甚謹
此必神佑可以此言之既歸遂于禁中造沉香
像同所繪像奉安于 慈寧宮越二年委常湖就
西湖擇地建四聖殿兩廡三門成即 降賜 慈
寧所奉聖像于殿至代辰 顯仁以 慈寧宮屋
三間兩廡立醮堂于殿北庫午復在京延祥觀
命道錄彭德淳主觀事置道士二十一人撥望湖
堂廣化等寺歸觀別建寺以安僧徒又以智果觀
音院充本觀道院建殿以奉 三清四帝至 紹
熙五年甲寅 孝宗增 鐘樓及本觀所造輪藏
為屋幾三百楹徒眾日增合食不翅千指 朝廷
積賜緡錢以千計田畝以萬計觀址周圍七百餘
丈考之圖經孤即山也一山蟠踞湖波回環增卑
改築繚以周牆其屋與地相為高下崇瀾四注堂
殿中峙樞楯蠲館舍清觀九天方袍之士委蛇
于其中真成雲氣仙靈之宮矣觀東有通谷穹岫
人感淳臨安志卷十三 十二

瀛嶼

在觀之西舊有涼堂在 御圃 累朝皆嘗

臨幸

理宗皇帝書其額曰瀛嶼 淳祐十二年建以為

西太乙宮遂更創新堂於此而奉

御扁其上

御圃

六一泉

詳見臨安志

覆以石亭揭以

御扁前為堂

即舊報恩院之觀音殿

香月

亭在山椒環植梅花仍大書林逋詩一聯刻

於屏

疎影橫斜水清淺暗香浮動月黃昏

挹翠

瞰湖為堂盡挹西北諸山之勝

清新

面山而宅其麓在挹翠之後

人成學臨安志卷十三

十三

右四扁及屏皆

緝熙殿宸翰

香蓮亭

射圃

金沙井

瑞真道館

即延祥觀門

寧壽觀

在七寶山本三茅堂 紹興二十年因 東都舊

名 賜觀額殿曰太元奉茅君像

徽宗皇帝御畫也有

徽宗皇帝

欽宗皇帝

高宗皇帝神御殿

徽廟 欽廟 神御元在聚景園皆迎奉於此

有累朝所賜御書則

高宗皇帝黃庭度人經

寧宗皇帝道紀堂字

理宗皇帝養生論又有紹興賜古器玩三種皆

希世之珍其一宋鼎

鼎高尺有九寸廣尺有咫兩耳旁出而曲上三足皆具牛

首鼎外周環如篆籀腹內銘五十有一字傳者謂宋孝武帝孝建元年八月作牛鼎以祀太室其銘

曰維甲午八月丙寅帝若稽古肇作宋器審厥象作牛鼎格于位室從用饗億寧神休惟帝時保萬

咸寧臨安志卷十

五

世其

永賴 紹興間有金聲震于太湖漁者莫能致湖濱寺觀

爭以舟迎獨澄清清觀迎之鐘凌波而上一引即入

于舟丙辰九月二十四日戊午常州澄清清觀女觀

王玉仙所造河東薛泚為之銘曰上德願而鑄洪

鐘仙聖佑而人天從霜朝兮窈窕月夜聽而邕容

導花生而腰淨頂銜統于盤龍響上聞于天外聲

下徹于九重庶長宜于 尚方出金帛度牒賜以

鬼獄魔屏迹而潛蹤 賜今禁中每聽鐘聲以為寢興食息之節其三

褚遂良書小字陰符經 景定庚申今太傅平章

軍國重事魏國公賈似道以江漢功成入相 理宗皇帝賜內府金幣百鉅萬直固辭續有 旨就觀宣索陰符經以賜觀之外曰東山為殿

以奉

今上皇帝

壽和聖福皇太后元命有亭曰寅賓俯見日出有

庵曰仁壽東山之南則帝居北則太室今皆

為禁地慶元初中大夫陸游為觀碑

紹興二十年十

月詔賜行在三茅堂名曰寧壽觀因東都三

茅寧壽之舊也初章聖皇帝建會靈觀寔于崇

元至殿之側營三君茅殿是為祖宗崇奉之始

焉迺命道士蔡君大象知觀事蒙君守亮副之許

其徒世守又命內侍劉教典領置吏胥給清衛兵

畧用大中祥符故事後十年教遂請棄官專奉

寧壽香火詔如所請賜名能真改左右街都道

錄仍領觀事寔又用優假至道中內侍洪正一故事

上心眷顧此觀每示優假如此然迨今歲月寢久

未有紀之金石以侈上賜者紹熙五年六月

知觀事冲素大師印君道俊始礮石未請游為文

傳示後世游寔紹興朝士妻得對行殿同時

廷臣零落殆盡游適後死獲以草野之文登走盛

事顧不幸歟伏觀寧壽觀寔居七竇山之麓表裏

江湖拱輔宮闕前帶馳道後枕崇阜盡得都邑

之勝廣殿中峙脩廊外翼雲章室籤映富麗浩
乎化人中天之居也金符象簡求流畢集趨有
容肅恭齋潔濟于茹靈芝飲沆瀣之漿也導以
寬旌節以王磬侍者翼從以登講席琅于徹九
天震十方之音也祐陵之御盡德壽于徹九
之宸翰煥乎河雒之圖書也鴻鐘大鼎華蓋空
褚遂良吳道子之遺跡卓乎社稷之怪珍也熒
光異氣夜燭天半所以扶衛社稷安鎮夷夏者
于是乎在非他宮館壇宇可得而比惟我高宗
皇帝寔與三茅君自混沌溟濛開闢之初赤明
漢浩劫之前俱以願力應世濟民雖時有古今
有顯晦其受命上帝以福天下則合若符券及
夫顯風御上賓威神在天與三十六帝翱翔太虛

三茅君亦與焉時臨熙壇顧享明荐用敷佑于我
聖子神孫降福發祥時億于虜休哉游既
述觀之所繇興且繫之以銘曰失祚中否開真
人以大誓願濟下民左右虛皇友三真坐令化國
風俗淳以營斯宮示宿因丹碧岌業天與鄰神君
龍虎呵重圍鯨鐘橫撞震無垠錦幡宝蓋高嶙峋
天華龍燭晝夜陳歷載九九符堯仁超然脫羸
侍帝晨遺澤滲漉萬寓均歲豐兵偃無吟呻咨爾
衆士嚴冠巾以道之真治子身服膺
聖訓常如新冲霄往從龍車塵

顯應觀

在涌金門外始 紹興十八年真詔有司建觀於

城南包家山以奉磁州崔府君

東漢崔瑤子玉也封嘉應侯號曰應

王 二十四年分靈芝佛刹之半移建今處在湖之

東水四面遶觀額本 宣和所 賜 靖康間

咸寧縣志卷之三

十六

高宗皇帝出使至磁州神馬引而南 建炎初

秀王夫人夢府君擁一羊謂曰以此為識遂誕毓

孝宗皇帝由是 累朝祠祀彌謹中為顯應之殿

其神位曰護國顯應興聖普佑真君

高宗皇帝為書殿扁且揭以

御名昭其敬也

孝宗皇帝為書寶章瓊藏

理宗皇帝書洞古經以 賜刻之石又有殿奉

今上皇帝

壽和聖福皇太后

皇后元命 嘉定三年參知政事樓鑰奉

詔撰觀碑

寧宗皇帝御題其額

嘉定三年十一月朔國家集福

之地自建以來未有為之記者女其碑之文成

朕當書其額曰中興應顯觀記而宸翰下頌

昭回之光輝耀千載臣既承命謹拜手稽首言曰

百神在天地間昭布森列皇城咸秩無文非有

功不祀其間靈效顯著遠邇奔奏者不過數處而

護國顯應真君其一也真君崔姓廟在磁州旁為

道觀河朔人奉之五百餘年矣靖康中高宗

由康邸再使虜磁去虜營不百里既出謁祠下神

馬擁輿朕聖炳然州人知神之意勸帝還轅

孝宗誕育于嘉興先形絳服擁羊之夢生有神光

燭天之祥此皆其最著者也中興駐蹕錢塘初

置觀于城南尋徙于西湖之濱分靈芝寺故基為

之祠宇宏麗像設森嚴長廊靚深宋繪工緻鐵騎

戎卒左出右名御戈鉞旗蓋勢若飛動敞西齋堂以

挹湖山之秀為崇祐觀以處羽士之流稱其為大

神之居高宗脫屣萬乘嘗同憲聖臨幸以丹

聖故暗賜金藻飾一新既又三十餘年矣賜緡皇

成寧臨安志卷十三

十七

帝二萬俾都監右街鑿義主管教門公事明素大

師陳永年買田以增齋供之費所以安神而錫福

斯民者甚至誠不可無紀也竊考神之所以

不知者以為北魏之伯淵其知者以為後漢之

王雖皆名公而寔非也續會要等書亦不詳

誤後人唐武德元年置磁州正觀元年州廢而

滏陽屬相至永泰初始復舊仁宗實錄正觀中

二年封崔府君為護國顯應公且言府君正觀

為相州滏陽令再遷蒲州刺史失其名在滏陽

有愛惠民為立祠後因葬其地咸平一年始賜

府君之廟而京師北郊及郡縣奉之如嶽祠至

因民所信嚮而封崇之故詔曰意在滏邑恩結

蒲人又曰案求世系雖史逸其傳尸祝王官而

賴其德使果為子玉與伯淵安得謂史逸其傳

元符二年即舊號封王與伯淵安得謂史逸其傳

冠冕七年加封護國顯昭惠王宣和三年邵賜

守韓景朝辭承上命葺治祠王曰敷靈觀曰顯
應且按舊碑為之記其說略與寔錄同又言唐太
宗夢得之俾詔入觀刺蒲州河北採訪使因命刑
曹弋弋編錄神之靈跡五十餘條傳于世淳熙
十三年奉光堯聖旨改封真君然至今以府君
為號尤見其本于為令也初命延福宮使安德軍
承宣使張去為提舉官傅子及孫延慶俱充此
職宣力于觀為多道士初置十餘人今益以眾田
止百畝餘今益以廣啟觀門而許士庶祈禱咸有
定期季夏六日相傳以為府君生朝都人無不歸
卿駢擁竟夕尤為一時之盛孟冬十日又謂為府
君朝之元節或云以是日工升禁度皆設齋醮
北人之寓居者是日亦必至焉乾道六年遣使
賀金國正旦臣以假吏從行過磁使介而下相率
望拜于驛中蓋以往來者必致敬行則先禱于西
之祠歸則潔羞以謝之臣謹接其始末之寔為記
而又播以詩云惟漢之司農方著遺爰于桐鄉使
奠我于祠方必時之奉嘗醫神之仕方于滄之陽
惠及斯氏方久而愈彰擢刺河中其旁神之既採
訪生則祠于舊邑方歿又冢于其旁神之既採

威寧縣志卷之三

雖尊以姓而逸其名神之威靈方信千載之流芳
謂子玉與伯淵方皆流傳之眇范獨昭陵之詔
錄方載顛末之為詳北方之人方謹廟食而自唐
膺累朝之封賜方諳有赫方龍光功在社稷方著
明效於靖康神馬乘輿方寔顯應于高皇始
孝宗之方娠方夢絳衣而擁羊迨震夙之夕方又
神光而發祥敞祠宮之百楹方繚千丈之周墻儼
像設之雄尊方煥金碧之焜煌仰皇明之臨御
方未嘗求福而專御迺奎畫以寵嘉方燦鳳翥
以龍翔前三茅而後太乙方與四聖而相望肆陰
陽而默相方輦國勢而無疆上宮掖而下士
民方藉神休而檜禳偉明神之英烈方夫豈欽惠
于一方願謁于上帝方掃摠搶而珍豺狼吾君
將中天下而立方開壽域于八荒神亦歸其所
報何可忘

崇祐館

在觀之東

祠廟

祚德廟

在車橋西青蓮寺南初

神宗皇帝未有 聖嗣吳處厚言程嬰杵臼存

趙氏最為忠義乞訪墓廟特加封爵 墓在絳州太平縣之趙村

墓側有祠 元豐四年五月遂封嬰成信侯杵臼忠智

侯仍 賜額載祀典 元符三年臣僚言韓厥之

功不在二人下乞與立廟 詔從祀祚德 崇寧

三年封厥義成侯 按史記晉文侯始建趙氏于晉國景公之三年大夫屠岸賈欲

誅趙氏韓厥告趙朔趣亡朔不肯曰子必不絕趙祀賈與諸將攻趙氏于下宮殺趙朔趙同趙括趙

威寧臨安志卷十三

十九

嬰齊皆滅其族趙朔妻有遺腹走公宮生男公孫杵臼程嬰謀取他人兒匿山中程嬰繆語諸將遂

殺杵臼與孤兒程嬰乃與趙氏真孤俱匿山中居十五年景公問趙後韓厥具以寔告景公乃與厥

謀立趙孤兒召而匿之宮中攻屠岸賈滅其族復與趙氏田邑如故嬰遂自殺趙武服齊衰三年為

之祭邑春秋祠之世勿絕。左傳成公八年韓厥言于晉侯曰成季之勳宣孟之忠而無後為善

者其悞矣三代之令王皆數百年保天之祿夫豈無辟王賴前哲以免也乃立武而反其田焉

紹興十一年八月中書舍人朱翌言三人者千載

之上有功於 我家今絳州淪陷之久廟貌存廢

不可知乞於 行在所卜地權創祠宇仍下禮官

討論十三年四月遂立廟仍加封嬰忠節杵臼通

勇厥忠定二十三年待御史林大鼐又言韓厥既

立文子傳十世而霸業諸侯其後子孫綿：真定
中山之間即我 宋僊孕之靈源也今三人者宜
爵秩而公王之擇爽塏而廟貌之四時遣奉常官
以牲幣用事時 國嗣猶未建乃 詔兩浙運司
新其廟仍封公爵秩中祀 慶元初益封 淳佑
二年又升嬰為忠濟王杵臼祐王厥忠利王且增
闢廟貌益宏整云

苑囿

聚景園

在清波門外

咸寧縣志卷十三

二

孝宗皇帝致養 北宮拓園西湖之東又斥浮屠

之廬九以附益之

清波門外為南門涌金門外
為北門福坊水口為水門

亭

宇皆

孝宗皇帝御扁嘗恭請

兩宮臨幸

光宗皇帝奉

三宮

寧宗皇帝奉

成肅皇太后亦皆 同幸歲久蕪圯今老屋僅存
者堂曰檻寧亭曰花光又有亭植紅梅有橋曰柳

浪曰學士皆粗見大槩惟夫迳老松益婆娑每盛
夏芙蓉彌望游人艤舫透堤外守者培桑蒔果有
力本之意焉

玉津園

在嘉會門外 紹興十七年建明年虜使蕭秉温
來賀 天申節遂燕射其中

孝宗皇帝數 臨幸命 皇太子率執親王使相
侍從及管軍官講燕射禮 上親御射 淳熙元
年嘗 御製七言詩以賜曰一天秋色破寒煙別
籩連堤壓巨川欣見歲功成萬寶因行射禮命群
賢騰騰喜氣隨飛羽嫋嫋淒風入控弦文武從來
資並用酒餘端有侍臣篇時

咸寧臨安志卷十三

三十一

光宗皇帝在 東宮恭和曰秋深欲曉歛輕烟翠
木森圍萬里川閭闔御舊名 閔傳 法駕玉津按武

會英賢 皇皇聖父明如日挺挺良臣直似弦蹈
舞懽呼稱 萬壽未饒天保報恩篇右丞相曾懷
以下皆有賡載刻之石

上咸興馬皇帝

悅賦詩以示臣等且命賡和以進臣謹拜手稽
首而言曰帝王之用文武猶天地之運陰陽咸造
厥中迺克有濟故陰陽不偏然後可以擬太和文
武兼用然後可以隆至化恭惟 皇帝陛下以

上聖之資撫中興之治躬持二柄規恢大勳斟酌運平茂建皇極若稽祖宗建隆太平興國故事昭舉盛禮是豈蓬豆弧矢云乎哉宸章昭回天語煥發所以示並用久長之意卓然與六經之義同歸寔垂世不刊之典也臣備位宰司千載一遇蒙冒恩寵不知所以報塞惟當欽奉聖謨傳之罔極而請刻之石制曰可懷恭和二首曰名園佳氣藹非煙冠佩朝宗似百川五品並令陪燕射四鏃端欲序賓賢思涵春意魚翻藻威入秋聲鴈落弦竣事更容窺典雅宸章應陋栢梁篇江山秋日冠輕烟別苑風光勝輞川位設虎侯恢盛典技精楊葉枝名賢禮均湛露宣飛竿樂奏鈞天看發弦聖主經文兼魏王判寧緯武全勝巡幸射蛟篇群臣詩不悉載

國府亦嘗命宰執於此燕餞蓋皆以為講禮所

按玉津園乃東都舊名蘇軾嘗賦詩有紫壇南峙表連岡之句蓋亦密邇園壇

富景園

咸淳臨安志

在新門外之東

孝宗皇帝奉

憲聖皇太后嘗請游幸又重於數戒有司故營

是園以適北宮規置略倣湖山今亦湮廢悉隸

慈元殿歲收花果之入焉

翠芳園

在錢湖門外南新路口面南屏山故舊名屏山園

咸淳四年盡徙材植以相宗陽宮之後今惟門

闕儼然

右先朝苑囿惟以奉親歡修國典故久

弗及繕治雖垣頽棟壓益以昭 聖明恭儉無
於逸於游之好云

玉壺園

在錢塘門外本鄜王劉光世園後屬之臨安府守
趙與憲築堂四面 景定間更隸修內司又為堂
曰明秀今隸

慈元殿

咸淳臨安志卷之十三

咸淳臨安志卷之十三

十三

